




« Ա Շ Ա Կ Ե Ր Տ Ը »

(նկար ու քերթուած ԲՐՈՅ. Յ. ԱՃԷՄԵԱՆԻ)

Մի աշխարհ-կեանքի՝ կարօտ-կեանքն եմ որոշ
— Անմահութիւն: [նում...
Մի աշխարհ-կեանքի՝ լոյս-կեանքն եմ երաշ
— Յաւերժութիւն: [զում...
Մի աշխարհ-կեանքի՝ անուն-կեանքն եմ կանա
— Աստուածութիւն: [չում...
Ի՞նչ լոյս՝ գծեց
Լքեց իմ կեանքը այս անդրադարձում-աշխարհին
Ջարմանքը: Կարօտը:
Ոչինչ ապրել,
Ճանաչել ամէն ինչ:

Աշխարհը՝ գիրք: Կեանքը՝ ընթերցում:
Ի՞նչ ոյժ՝ ձեռնեց
Դրեց իմ աշխարհը այս գիրք-կեանքին:
Ի՞նչ լոյս՝ գրեց
Լքեց իմ կեանքը այս ընթերցում-աշխարհին:
Ձանձրոյթը: Տանջանքը:

Ոչինչ մեկնել,
Ապրել ամէն ինչ:
Կեանք կապած հայեացքիս,
Թերթելով կարգացի,
Կարդալով թերթեցի ու գիմեցի,
Անցնելով հորիզոնից հորիզոն...
Սիրուց հրապուրուած եւ
Ցաղթանակի ու պարտութեան փառքերի ետեւ
Մինչեւ հասայ Տիեզերքի սեմին: [ւից —

Սահմանը՝ թափանցում է Անհունին...
Մարդը՝ գումարում է Աստուծուն...
Ցայտին՝ կառչում է Անյայտին...

Այսպէս մենք հանդիպեցանք իրար,
Վարպետ եւ Աշակերտ —
Դու եւ ես:
Եւ ես խենդ խանդավառ՝ գրկեցի —
Սրտերի կարօտը՝ մի աշխարհ-կեանք,
Քո կեանքը՝ Սէր
— Անմահութիւն:
...՝ երագեցի —

Մտքերի լոյսը՝ մի աշխարհ-օրէնք,
Քո օրէնքը՝ Ոգի
— Յաւերժութիւն:
...՝ համբուրեցի —

Շրթների ծաղիկը՝ մի աշխարհ-անուն,
Քո անունը՝ Բանն
— Աստուածութիւն:
Եւ աչերիս կեանք-կապը լուծեցի,
Որ լոյս կապեմ հայեացքիս...

Ի՞նչ
Աշխարհը՝ հայելի: Կեանքը՝ անդրադարձում:
Ի՞նչ ոյժ՝ կռկեց
Դրեց իմ աշխարհը այս հայելի-կեանքին:

Լոյս կապած հայեացքիս,
Կանգնել եմ Տիեզերքի սեմին:

Անհունը՝ թափանցում է Սահմանին...
Աստուած գումարում է Մարդուն...
Անյայտը կառչում է Ցայտինին...

Այսպէս մենք հանդիպել ենք իրար,
Վարպետ եւ Աշակերտ —
Ես՝ ինծի:
Եւ ես խենդ խանդավառ՝ գրկել եմ —
Սրտերի կարօտը՝ մի աշխարհ-կեանք,
Իմ կեանքը՝ Սէր
— Անմահութիւն:
...՝ երագել եմ —

Մտքերի լոյսը՝ մի աշխարհ-օրէնք,
Իմ օրէնքը՝ Ոգի
— Յաւերժութիւն:
...՝ համբուրել եմ —

Շրթների ծաղիկը՝ մի աշխարհ-անուն,
Իմ անունը՝ Բանն
— Աստուածութիւն:

Աւաղ
Ինչո՞ւ լուծեցի աչերիս կեանք-կապը:
Ինչո՞ւ լոյս կապեցի հայեացքիս...
Որ, այսօր, այսպէս
Տեսնում եմ ամէն ինչ,
Ոչինչ եմ ճանաչում:

Տանջում եմ —
Սրտիս՝ մի աշխարհ-կարօտ,
Իմ կարօտ-կեանքը...
— Անմահ՝ մահու ճանկում:

Մաշում եմ —
Մտքիս՝ մի աշխարհ-լոյս,
Իմ լոյս-օրէնքը...

— Յաւերժ՝ բոլէի ծոցում:
Անցնում եմ —

Շրթներիս՝ մի աշխարհ-ծաղիկ,
Իմ ծաղիկ-անունը...

— Աստուած՝ մարդու կեանքում: